

CMYK

Alak man ..... apat ..... ₹ .....  
**If undelivered pliz return to:**  
**ESC SECRETARIAT,**  
**Chengkawnpang, Churachandpur,**  
**Manipur - 795158**

CHAMNA AW PHUNGUVUKNA DING		
1.	Chief Patron	- ₹ 5000.00
2.	Patron Member	- ₹ 4000.00
3.	Diamond Member	- ₹ 3000.00
4.	Gold Member	- ₹ 2000.00
5.	Silver Member	- ₹ 1000.00

Published by Rev. Thangkhosiem on behalf of the Evangelical Synod Church  
Printed at: THAWN SAAU PRINTING WORKS, CENTRAL LAMKA.

PIN

To:

**Chamna Aw**  
(Evangelical Monthly)  
Regd. No. 64436/96  
Email: e7s7c7@gmail.com  
www.synodchurch.com



# Chamna Aw

(A Monthly Organ of the Evangelical Synod Church)

Vol. XXXI

No. 5

August, 2016



1st Row (L-R): Upa Henkholoi, Upa Kaikhola, Upa Lupi, Upa Letkam, Upa Dr. L.S.Gangte, Rev. Thangkhosiem, Upa Th. Mangngul, Upa Paozalun, Rev. Khaigin Gangte

2nd Row (L-R): Pastor Khailalsiam, Upa Khaipi, Upa K. Zawlpi, Upa Lalithhang, Upa Ngullien, Upa Dongzakap, Upa L. Mawia, Upa Liemkhokam, Upa Kalikhomang, Upa Pautinlam, Upa Thangtinpau, Upa P. Bieklien, Upa Th. Yama

3rd Row (L-R): Upa Khuolzakam, Upa T. Jampi, Upa Paukap, Upa Haosei, Upa P. Zawma, Upa Nengthang, Upa Lamkhodem, Upa Khuolhokam, Upa Mangminthang, Evan. Paukhomang

2016 Kum thupi:  
**KHAWVAK CHATE BANG IN UM UN**  
Eph: 5:8  
Editor: Rev. Thangkhosiem





## **VANGELICAL CONGREGATIONAL CHURCH OF INDIA**

Regd. No. 1033 of 1971-72

Post Box 24, Nehru Marg, Rengkai, Churachandpur – 795128, Manipur, India.

Mobile: + 91- 9089198169; E-mail: [kvaiphei57@gmail.com](mailto:kvaiphei57@gmail.com)

### **ECCI Quarterly Report : General Director**

I Sapchuom uh, ECCI leh ECT adinga May – July 2016 sunga Lalpa'n mi tawmngai, kiphalte manga na lopi taktak a sepdan Genereal Director ka hihna zala report ka hun pieknuom chuh anuoia haw hih ahi.

- (a) Shri Lunminthang Haokip, IAS, Deputy Commissioner (DC) Churachandpur District in, ECT Chapel asung leh apaw white wash bawlna ding a piei.
- (b) Shri S. Thienlaljoy, MCS, Sub-Divisional Officer (SDO) Churachandpur in ECT Chapel Electrict siemphatna dingin Rs. 10,000/- a piei.
- (c) Elder Er. Lalthanzam Amo (Chairman, BOT) leh a zi Mrs. Thansiem in Rs. 5000/- EYF panpihna leh Rs. 6000/- ECT Library a dingin a pieu hi.
- (d) Shri Thongkholet Baite, Executive Engineer, PHED (Water supply) in ECT a ding, Tui connection leh Tanky lientak khat a piei.
- (e) Date 9<sup>th</sup> July, 2016 (Saturday) ni'n ECCI History adinga tiemteh tak mah mah, Rev. Ngamkhola Haokip makaihna'n Sapchuom 13 apat ECCI Khanglaite kimelhettuohna leh ECCI compound leh Building sukthienna a nei ua, Khanglai mi 150 sanga tamzaw a kisutuoh ui.

Zie achunga theihtawp suoja panlate chung ahin BOT, ECCI leh Managing Board, ECT te'n nasatak in Pathien min in kipahthu a phuong hi.

Sd/-  
*Rev. Dr. Kaitinkap Vaiphei*  
General Director, ECCI.

## **Editorial**

### **BELAMPU**



Pathien in Thiengau Ezekiel manga Belampute chungchang a genna ah, Belampute belam ngaihsak lo amah kivak maite chunggikna leh Pathien ngei hung kigawlh ding ahihna akimui. Ezekiel bung 34 na akipat hin Belampute nasep ding akigen a, zie haw chu enkhawm hitiu.

Pathien belampute nasep ding tangpi haw chuh:-

1. Belampu chun Belamte chu a vak dinguh ahi (34:2,5). Belampute'n belamte a vaklohma ziek ua lungkimlo ahi. Belam vak sanga amau kivakte ahii hi. Belam vakloa, belamte kivakna a mat chu Pathien a kipak puoi.
2. Azawngkhale sukhate leh damlote damna ding ngaihtuoh ding ahi. Belam azawngkhale hatna ding dawnlo leh amang puikit lo, khauhtaka enkawlte chunga Pathien kipahlohma akimui. Belampu a zawngkhale'n dawnlo a, khauhtaka enkawl belamte chunga nunsie taka um ahii hi. Zie chu Pathien in a kipahphi puoi (34:4,16).
3. Damlote sudam ding (34:4). Damlote sudam ding leh a kengbawng haw tuomsak ding chu Belampu nasep ding ahi. Ahatlote dawnlo a, a kengbawngte limsaklo a, ahat lam lam enkawl mai belampute chu Pathien deihloh lamtak ahi.
4. Aliem haw tuomkit ding chu Belampu nasep ding ahi (34:16). Belamte lak ah liemna tuok umte chu Belampu chun a tuomsak ngei ding ahi.
5. Avakmangte puihkit leh thudika chawm (34:4,16)
6. Avakmangte hawldawk, thuhilhna neihkit ding (34:6,11,16).
7. Ataizakte hawldawkka hukdawk kit chu belampu nasep ding ahi (34:12,10).

## *Chamna Aw*

8. Mite lak akipata puihdawk kit ding chu ahi (34:13). Zie hi chanhinpha hilha chanchimpha manga hukdawknna nasep hiding ahi.
9. Belam vakzakte puiikhawm kit chu Belampu nasep ding ahi (34:13). Ahindan dinguh lemtuoksak hiding ahi.
10. Belamte hamphatna mun a tatsak ding (34:13). Belamte nekding umna muna puih leh ahin theihna ding ua vak ding ahi.
11. Kul phatak sunga bawhsak ding leh Hamphatna muna kawih (34:14). Abitna ding mun ua kuolsak leh venbit chu hiding ahi.
12. Aliemhaw tuomkit ding ahi (34:16).
13. Belam hawnte hukdam (34:22).

*Belampu dukdaklote chunga tung dinga Pathien thugen chuh:-*

**“Ngaitiemu, Belampute chu ka kilanpih ahi; ka belamte a etkawlnau sutawp ing ka ting, belamte chu amau leh amau kivak ta hiel puon au, akivaknau hihtaklohma dingun, ka belamte chuh akam apat hukdawk ding ka hi” atii. (Ezk 34:10).**

Belampute nasep ding tamtak gen in aum a, zie banga semlotle chung achun Belam neitu Pathien chu a kipak puoi. Pathien a kipakloh chun Belamte enkawltu Belampute nasepna chu Pathien in sutawp ding ahi. Belampu/Pastor nasep Belamte etkawl, hatlote sukhat, damlote sukdam, amangte hawldawk, aliemte tuom, anekding uh umna muna puih ding chuleh, abit theihna mun ua kawih chu a sep ding pawimawh mah mah chu ahi. Ziebang hihtelote chu Organisation ahim, Hotu dangte'n thunun ngamlo mahleh Pathien in a belamte a lungsiet ziekin, a enkawl nuomlo leh enkawl theilote chu kawlsak zinglo ding ahih dan akichien mah mah hi. Eimau chiet kikhuol hitiu. Simtute Lalpa'n vangsa ta hen.

•••

## *Chamna Aw*

### MIPI CAMPERS



**Ithing, Thangga :** Evangelical Synod Church ah Synod Hq Church, ESC, Chiengkawnpang Missionary Boardte chawmna nuoi ah, June 27-29 sung'in Bible Seminar neih ahi. Nek-leh-chak bangkim fel tak a guonggalh ahi a, amun a kitup tak a nekkhawmna neih zel ahi. Sapchuom mi leh awi-lo hun tieng a hung tel ui. Pathien lungsietna leh Kumsawt Gitloh ngaihdamna hechien a hukdam le tampi aum ui. Lalpa Thagau la ka sakhawm ua, nuom kasau a, velthum hiel tanlo in ka sau a, ka lam ui, Lalpa lopina piek ahi.

### BIBLE SEMINAR PARTICIPANTS



Pathien diktak leh Isu Krista kumsawt gitloh ngaihdamna hetchetna neite'n, Kristien hinkhuo hawih tak a amat theihna dingun pauchampih zing hitiu. Amen!

•••

## PARTICIPANTS



**Nalon, Churachandpur :** Nalon Church ah, June 16-20 sung'in Khanglai Bible Seminar neih ahi. Khanglai a tel cheng chuh a Kikulh thawh ui. Tu-onvaite le a fel u a, Lalpa Thagau pawlna lopi tak ka chang ui. Mi khenkhat in Krista Kumsawt Tatna, gitloh ngaihdamna a hechien u a, mi 22 Baptisma achang ui. Lalpa Thagau tih la ka sa khawm u a, Lâm ki-elna le neih ahi. Lalpa Thagau pawlna zalin chimlo in ka lam zawih zawih ua, kithalah takleh hawmthawh takin avel a sa'n, nitak 3:30 vel in ka zo thei ui.

## KHANGLAI CAMPERS

**Kumbi Setupur:** Young Pioneers English High School ah Independent Church of India guonggalhna ah, June 22-23 sung in Youth Camp neih ahi. Skul naupang Hindu ahung tel hawn, Pathien thu ngaihthak nuom asa mah mah ui. Krista tatna, Isu thisan a gitloh ngaihdamna gingcha dawt ahih lai in mi tampite'n khut a dawmsang ui.



## Chamna Aw

## Chamna Aw

# BIBLE DUNGZUI A SAPCHUOM KIVAIPUOK DAN



-Evan. Paukhomang

Bible tawh kituok sapchuom kivaihawm dan leh sapchuom chieh zel ding dan neu khat vak holim khawm hitiu.

1. **C H U R C H** inle amizah apha zo nai puoi. **ORGANIZATION:** Kimkhatte'n sapchuom kivaipuok dan hi eimah local chiet ki et kawl, Local Autonomy ahim, Local Self Government hih Bible tawh kituok ahi atiu a, centralize government of Church hih adem ui. Tutua ei uh ESC Sapchuom hih Centralize Government of Church, Office Headquarter nei a kivaihawm ahi. Zie hi Bible tawh kituoklo ahi diek puoi, aziek chuh;

(b) **Gingtute kipunkhawmna.**  
(Acts 2:42)

Amau chun Sawlchakte kieng ah thu zilnan hun amang sek ui tih I mu kit ui. Apiengthak zel sangthumte kimuh khawmna ding mun leh akimuhkhawm tieng ua, athu zil ding dan u leh topic ding haw, dan leh muol kitup (Order of Worship) kitup aum theih ziek in organization system alo theilo ahinhna aki mui. Gingtute mahni ut dan dan in akhawsa mai ui tih akimu puoi. Ziekchun organize kituptak aneih uh ahi zawi. Gingtute chuh kipawlkhawm a, neih kikawp a, ni cheng a munkhat a Ho-In akaih khawm u

leh Organize Church ahiu hi tih akilang hi (*Acts 44:47*).

**(c) Mawhpukna chuom choum chiet.** (*Acts 6:1-4*)

Tuhin sapchuom chu sangthum khel in apunbeh zel nalai ua, zie phet chun Chanchinpha nasep dan aguong thak zel ui. Pathien thu ngaihtuoh pawl leh nek leh chak ngaih tuoh pawl aum kit ui. Zie hin Pathien Lalgam nasepna hi amachal zel theihna ding a tamtak kipun khawm aphant chuom dan ei hilh ui. Mosie amah chauh a vahawm abuoi mah mah phet in apuzawnpa Jethron khuti chuh hih ding dan ei puoi, mi mattak leh thudik sangkhat chuga sawmnga chung leh sawm chunga lawiupa ding tel inla amau hawn angaihtuoh zawhloh hawu nangkawm ah huntun hamleu nang a ding pha ding ahi tin ahilh a. Khutibang chun Associate Administration ahim, Asst. Administrator dan chuh hun lui lai in ana kipan tai (*Exodus 18:15-23*). Mi tawm chah Local khat sep sang in tampi kipun khawm in Pathien na aki semdawk tam zawi.

**2. ORDER OF CHURCH ORGANIZATION:** Mosie puzawnpa'n Mosie ahilh bang in sangkhat chunga thunei pawl,

sawmnga chunga thunei pawl leh sawm chunga thu neipawl aum guol in organization leh association hita leh alien, aneu mawhpukna chuh guot ngai mawng ahi. Apostle te hun lai I vak et chun muntin a chanchinpha gen apostle te chuh alien pen officer in aum ua, aban ah seppih co-worker akhawkna na a sapchuomte thu va hilh viel sekte haw ahiu hi. Ana seppih Timothe, Lukias leh Joson lawi (*Rom 16:21*). Chuleh, Epaphroditus (*Phil 4:25*) leh adang Apolo, Silas leh Barnabas lawi haw ahiu hi. Aban ah khuo cheng a sapchuom enkawl Upate ahikit ui. Tichun amah chieh theih lohna ale a Co-workerte sawl in khuotin a sapchuom Upate ava guot sak zel ui (*Titus 1:5*). Chun Paul leh Barnabas chuh Lustra, Ikonium, Pisidia gam Anitokei ah achieh zel ua, atilkhouh ua khuo tin a sapchuom upa ding uh tel in ordain abawsak zul ui (*Acts 14:23*).

**3. PRIMARY PURPOSE OF CHURCH ORGANIZATION:**

Sapchuom masate hun lai apat bangziek a sapchuom hi kizawm (organize) kibawl a, Sapchuom kidawt Dan(Church Order) ngai khel khel ahim I tih leh tup liem tak aneih ziek ahi a, zie chuh

*Chamna Aw*

*Chamna Aw*

## THADO (JUNE) MISSION : 2016

*Rev Dr Ellien Gangte*

“Amau haw chuh Thutak in hih thiengtho ah” Johan 17:17

**Haipi, Sadar Hills :** Emmanuel Higher Secondary School ah, June 8-10, sung'in Summer Camp neih ahia, Lalpa Pathien in A hehpihna nasatak A lat sak hi. Nepali, Hindu sakhuo a um tampi le a tel ua a nuom mah mah hi. Thilsiebul apat Thuphoun chan in Bible thutak ahihna leh Krista Huk-damma thu a kigen a, mi hun tieng in kumsawt tatna gingcha'n, pienthakna a nei ui. Khenkhat in ka let'a, ka keng'a ka din theih phatleh Kristien ah ka um ding ahi atiu hi. Isu taksanna a, a khan-let u a, Krista a dingga ginum a aum theihna dingun ngetpih hitiu.

### SUMMER CAMPERS



**Phubala, Bishnupur :** Independent Church of India ah, June 11-12 sung'in Bible Seminar leh Youth Camp neih ahi. Kristien hinailo, Hinduism sakhuo aum Pek-lum pek, Futbol kisin naupang haw chiel ahiu a, khenkhat chu a Inkawteu in a zakdah ziek ua hung tel talo le aum ui. Himahleh a hung tel hawn, Pathien Thu angai nuom mah mah u a, khenkhat Krista ngaih-damma le a chang ui. Meitei naupang khat chu nang Kristien hileh chun na Inkawte'u a hun zahdah ding u' tia dawtna akibawl leh “Janaba hostage: Ahihtheihna ding ngaihtuoh ingka” atii. Lalpa nasep lopi tak chuh, Elektrik mei hawihlo ahi atiu a, Seminar akipat apat atawp chan mei namat theih dingin mitlo in aum a, ka zawh chet uleh thi chet ahi.

## *Chamna Aw*

Apén pen ngai pawimawh, Pathien ahih ziekin, amaimai a, I dawl uleh sukhiel thei I hiu ui. Kain leh Abel in Pathien a ho gel ua, Lalpa chuh Abel leh a thilpiek achun a kipak a, Kain leh a thilpiek vang chuh a kipahpih puoi. (Gen.4:4,5).

Abel in a belam hawn laka pieng masapen leh athau hawih diek mangin Pathien a ho a, Kain in Lalpa kawma piek dingin a lo a thaigah ahun la a, a unau un Pathien a ho gel gel ui. Abel in a matchak ziek ahi puoh a, a lungthim leh a piekna ziek khah Pathien in a hechien a, a kipak mah mah hi. Kain inle thilpiek a pie na a, apha pen, amasapen telna leh tihtakna lam ah apen pen ahi puoh a, zie guol mah chun Pathien le a kipak puoi.

Pathien nasem chiet chiet, Pathien cha chiet chiet, Paucham

chiet chiet, kikhawm chiet chiet, lawiupa chiet chiet lakah, tihtakna tello, aphaben hilo a, amina amun awng sudim leh mite muha akilawm naran a hunpha mangliem hikhai tiu. Nang ziekin midangte'n Pathien lopina amu na ding um? Midangte a dinga malsawmna nak hiding in Lalpa'n ahun deih hi. Pathien in a chapa changkhat, a neihsun ahun pie a, thilpieka a hung hawldawk ahih ziek in, nangin le aphaben, alulpen na piek tiangleh, lungawi a, kipak Pathien ahi.

Thilpiek pie chiet chiet, thai thak lawm chiet chiet, gahmasa chiet chiet, Abel a guol in, nang thilpiek ah Pathien a kipak na dem? Ngaihtuoh thak in. A kipahna dinga pie leh Lalpa kipahpih, gahmasa lawpna program lawktak mang ngei dingin Lalpa'n hun vangsak hen.

•••

## *Chamna Aw*

Chanchinpha gen hih ahi. Apostle Paul in angaihkhawk pen chuh Chanchinpha gen ahi.

(i) Paul & Barnabas chun thil dang cheng sang in Pathien thu gen leh Seminar angaikhawk ui (*Acts 15:35*).

(ii) Na dang khawk tak tak um mahleh Pathien thu gen leh hilh chet chu athupi pen leh post masa pen in akawi hi (*Acts 18:5*).

(iii) Sapchuom Organization leh administration ale kibulphuhna ding leh ngai pawimawh masak ding chuh Pulpit ministry ahi. (*Acts 20:24-28*) Zie Chanchinpha phuong dinga bel guot ahihna. (*1 Tim. 1:11*) Thugen lam ale kuo man hun ngainen dah hen tin ahilh hi. (*2 Tim. 4:2*)

Sapchuom khanlet zelna ding a Pathien thilthawnpiek ki hawpna thu agen cheng leh thugenna hi angai pawimawh pen hi tih aki lang hi.

(i) Thugen theihna nei in. (*1 Korinth 13:2*)

(ii) Thagau thilpiek thugen theihna. (*Rom 12:6*)

(iii) Post ki hawpna ale Apostle, Prophet, Evangelist, Pastor leh Teacher (Eng. KJV) Chanchinpha gen pawlte'n munpha pen aluoh ui. (*Ephesi 4:11*)

(iv) Timothe hile Chanchinpha genna lam hah bawl din a tilkhouh zing hi. (*2 Timothe 4:5*)

(v) Thugen dan (Homiletics) hi training bawl zel ding ahih dan Paul in agen hi. (*Galati 6:6*)

Ziehaw cheng cheng hi en in ei Evangelical Synod Sapchuom tenle pulpit ministry hi *purpose number one, post number one* a I kohi zing zieng naklai uh ahi. I sapchuom hin zie hih ngaih khawpnen in I nei nau em? Vaihawm chuh organization achun alo theilo ahi, hinla zie cheng chung a chuh Thu-nasep Chanchinpha genna hi achungnungpen di ahi (*Acts 6:1-4*) Secondary purpose chuh alo theilo in vaihawmna mah ahih ding ahi. Presbytery Vaihawm, Council Vaihawm leh Executive Committee haw

## 4. CONSTITUTION OF CHURCH ORGANIZATION:

Pathien in Thuthung Lui a Dan apiek lai hin Israel te chuh mipi alien aneu, numei, pasal sim in mipi nuoi gup te mat ding a apiek ahi. Adan hi akim vel a gam dangte custom leh culture hesa a azuih theih ngei ngei diu cheng apiek ahi. Constitution khat sepawk (Implement) na ding achun Dan in ahuoi khak ding mipi tam leh

## *Chamna Aw*

tawm, mun le muol (location) in gen anei mah mah a, chuleh akimvel environment inle thu apuo mah mah hi. Chuleh Constitution chu anaipen a kum nga masanga suk tawih loh ahi sek a, zie sung ading chun Constitution pi apat in Resolution in aza thuop ding ahi. Zieziek chun Pathien in Israel te ding in Public Law, moral Law leh Religious law a siem sak ahi. Khawvel tawh kibanglo ding ahih ziek in Basic Bible Constitution ahih ngei ding ahi. Bible reference umlo ahih hiel inle sapchuom masaten bangtin abawl um tih velchet theihchin hawl ngai ding ahi.

Church Constitution siemna dinga basic rules chuh:-

- (i) Be Biblical – *Biblical panson in.*
- (ii) Be Legal – *Dan panson in.*
- (iii) Be Brief – *Chawm kimtak in.*
- (iv) Workable – *Mattheih ngei a hih ding.*

Sapchuom Thuginpi apat in Sapchuom kivaihawmdan lak sawn hin tin, Sapchuom kivaihawm Dan Danpi apat in Sapchuom Resolution in azathuop ding ahi.

**WESTMINSTER CONFES-**  
**SION** kiti hih London ah Ordained Minister 121, parliament palai

member 30 leh Baptist Episcopalian leh Congregational sapchuom kigawm in kum 6 sung ni 1163 abuoi pih uh ahi a, tuni tieng in adet a sapchuom tin ettawn theih in asiem dawk ui.

Chun EBC, Evangelical Baptist Convention te'n kum nih sung vel lut in Reverend Doctor nih leh Reverend nga leh Upa thum kigawm te'n asiemuh ahi. Khatvei chauh a bu kimlo ahih ziek in Amendment Committee (i) Upa Doctor khat (ii) Rev. Doctor khat (iii) Upa Dr. Khat guot in abawl kit ui.

ICI te'n 1942 akhat vei Dan neih pha asak uh, bawl zieng theilo in 1959 in khat vei guokit in Dr. Rochunga Pudaite draft abawl sak ua, 1964 February Conference ah draft chu phasakna piek (passed) ahi a, 1964 January tha in Special Assembly Session sam in Dan matpatna leh Election tawh athuoh ngal ui.

Khat leh nih lunglutna mai in bukim zo puon tin, lunglut tak in pan lai ting uh guntak in mite ettawn theih ding bawn in ki siem dawk leh tih lunggulh chiet hitiu.

Awle, Dan enlai I hih ziek un I lunglut thiehna diu a hun kitak lang ahi zawi. Gen khelh gen val ngaihdam.

## *Chamna Aw*

# GAH-MASA



By: Rev. K. Siemlien

“Lalpa na Pathien un ahun piek gama pieng, leigah tung masapen haw chuh neukhat khat in lakhawm in na tin un, bawm ah kawih in na tin un, Lalpa na Pathien un a Min umsakna dinga a guot ding muna chuh na va chawih ding uh ahi.” (Dannihna 26:2).

“.... Aw Lalpa, nang in nei piek gama leigah masapen chiet ka hun chawi ui.” (Dannihna 26:10).

Pathien in a mite kawm ah ahih ngei ngei dingun thupiek tamtak a pie a, zie haw lak achun gahmasa piek thu hile ana gentel hi. Bangkim neitu leh bul chuh Pathien ahi tih ei ngaihtuohsak hi. Gahmasa hih Pathien mamawh ahi puoh a, zie chuh mihiemte nek ding leh a pawimawh dungzui a a mat dinguh a siem leh piek ahi zawi.

Na thai gah masapen leh na uain tui va masapen chuh vaigei lo a na lat ding ahi (Exo.22:29).

Na lo a thaigah laka amasapen chuh Lalpa na Pathien In a na hun chawih ding ahi. (Exo.23:19)

Kum cheng leh Thaithak lawpna, Taithak lawpna hunbi siem in, anuom thei pen leh apha thei ding pen in hunbi I mang sek ui. Gahmasa, Lalpa adinga I piek dan u ah, athai hihenla, I piek utnau lungthim hih vel etkit apha. Thaithak, gahmasa Lalpa kawmah I pieu a, amin mai mai a pie I hih khak dinguh lauhum mah mah ahi. Sumlepai, thaigah leh adang dang Lalpa I piek zinglai ua apawimawh pen chuh “Lungthim” ahi.

piek cheng na hih u chun ka guolte hinlau” (Johan 15:14).

Pathien thu I zawp ui, I lauh ziek or hih ding mawnga hih hilo in, amah I lungsiet ziek leh ei a dinga, apha a het ziekin ahi. Lalpa Isu I zui ahi, aziekchu, I chunga a thilbawlphatte haw cheng cheng ziekin. Amah I zuih phawt chun, I guolpha a hihna ahawihzaw deuh deuh ahi. “Nang un ka thupiekte na zawp u chun, ka hehpih in um zing unlau, ken le ka pa thupiekte ka zawp a, a hehpih a ka um zing guolmah hin” (Johan 15:10).

**5. Pathien ngaihsan thilte ngaihsanna:** Zie hi guol khat thilbawl ding ahi. Khat pa/nu a dinga pawimawh khat in pilvang taka ngaihtuoh zing. Pathien guolpha I hih zawksem semna ding chun, a thil ngaih pawimawhte pawimawh ngaih a, a puoknatnate haw enle puo-na a, chuleh a kipahna haw a ei le kipah angai ahi. David in, “Na In a ka phatchuomngaihna’ n ei ne zo in a, nang hun gaite gaihna chu ka chung ah a chu ta a” (Sam 69:9).

**6. Thildang cheng sanga**

**Pathien deih zawkna:** Thudik chu ahihleh, Pathien naih na tela hih chun Pathien kawma um na hi. Guolpha hihna hi thakhat phut (accident) thil ahi puoh a, nang leh kei in I kitel ding ahi. Na deih tak tak na’m? Thildang cheng cheng sang in? Pathien hi nanga buoi ahi puoh a, nang dinga buoi ahi zawi. Ziekchun, nang ahun puihkitna theih ahih phawt chun, Amah kawma dinga bang hitaleh a bawl ut ahi.

Paul in, “Ka nawppen chuh Krista het a, a thawhkitna thilhithelhna chan a, a thuokna kikawppih a, a thihna kibatpih a um” (Philippi 3:10). Jakob in, “Pathien naih un, tichun ama’n hun naih in a” (Jakob 4:8).

Pathien kawm ah zie hi ngen hitiu. Amah deihna I neihna dingun, I muh masangsieh hawl hitiu. Zie hi I pauchamna ding hi hen. Lal Isu, thil dang cheng sangin nang tawh kihet ka ut pen hi. Pathien in Babulon saltangte kawm ah, “Chun ei hawl un na tin uh, na lunggil cheng cheng uh a nei hawl tiengu leh ei mu’n lau” (Jeremiah 29:13).

•••

## I GAM UA BJP HUNGLUT DING DAN LEH I MASANG DING UH

*Rev. Dr. Jangkhola Haokip,  
UBS, Pune*

“When the Missionaries came to Africa they had the Bible and we had the land. They said “Let us pray” we closed our eyes. When we opened them, we had the Bible and they had the land” –Desmond Tutu

Achunga quotation hih Bishop Desmond Tutu’ n Africa gama Western Missionary, Pathien thugente umdan a gen ahi. A gam uh a laksak ua, mi thunuoa a umdan uh a genna ahi. Tulai a BJP, I gamsung ua ahunglut guot dan uhi tawh akibatna um dingin, zie thusim apat hih ei ngaihtuohsak hi. Ei u laka le zie guol dinmun hih hung tung thei ding hileh akilawm hi. Thil hung um thei ding haw vak en hitiu.

Kum 2014 General Election ah seat 336 lak ah 282 a muh ziekun, BJP (Indian Peoples Party) te’ n vai a hun hawm pan tau hi. Tuhin India sung mai hilo, khawvel pumpia, mipite phasakpih lienpen ahung hi tai. Politics mai hilo, sakhuo lama le ahat leh alienpen, thilhiththei mah mah ahung hi tai. Etsakna’ n: America gam ah Yoga gingcha a practice bawl mi 30 million aval tai ti’ n Prime Minister in a gen hi.

BJP ahung hatdawkna ziek hih, akilanpih Congress

Party hatzawhloh ziek leh midang (Muslim leh Christian) te vaihawm sanga Brahminic Hindu Nationalism sukhatna ding deihna ziek ahi pen hi. Hindute chiehpiah chuh “Hindutva” ahihloh leh Cultural nationalism, zie chuh India gamsunga cheng, cheng chengin India umdan a zuih vek ding, midang umdan zuihloh ding tih hih ahi.

Zie chuh, India- gam khat, India- nam khat, India – Sakhuo khat, India – thusim khat hiding tih ahi. Gendan dang ah- India gam hi culture dang leh sakhuo dang umsak loh ding; Brahminic, Hindu culture chauh sukhat ding, khawvel pumpia thuneipen khat hih ding tih ahi. Zie ngaihdan semdawk ding chun RSS VHP leh Parivar dang dang haw a siemdawk ua, amau haw cheng chun BJP hih ahun tundawk uh ahi.

Mipite a zawl na u matchak (ngakuoi) anchak chuh ‘development’ ‘good governance’ leh progress sukhat ding, tih haw

## *Chamna Aw*

hih ahi. Thalui, May 2016 a Assam Assembly election a BJP ahung hatnau ziek le zie guol matchak chuh manga, Assam gamsunga midang (Bangladesh Muslim) haw lutsak loh ding a tih ziek uh ahi.

Zie a hetngilh loh ding chuh, India ‘culture’ leh ‘sakhuo’ sunga hih adieka caste system zui zing Aryan mite culture leh sakhuo kizuihna ahih ziek in, ei haw culture leh sakhuo hih a telsak loh him him uh ahi. Aziekchuh, amau in nam niem- nam sang (high caste, low caste) a nei ua, zie lak ahih aniempen laka le ei uh ei telsak loh uh, nam niem, nam thienglo (outcaste/untouchable) tia ei kawih uh ahi. Zie zeka chuh India culture a kisim tello ahi. Etsakna’n, BJP te’n bawngsa nekloh ding a tiu a, ei uh chauh lo, Aryan laka tello Hindu dangte culture tawh le kibang lo ahi. Ei uh umdan chauh hilo, I Sakhuou Christianity hile Hindu te’n India sakhuo khata a simtel nuom loh uh ahi.

Zie haw zeka chuh tulaia North-East apat chapang tampi Maharashtra leh gamdang dang ah School a kaihsak ua, Hindu diktak ahihsak guot ziek ua amau culture deihsak taka, theihtawp a a sinsak uh ahi.

Tulai in Pune ale Khasi chapang tampi a kawih ua, Nagaland ale RSS te’n School a siem ua, a chapangte’n ‘India’ mi diktak ahihna dinguh nasatak in a ngaihtuoh ui. Zie haw zeka hih tulai Christian sukgimtheihna (persecution) le hat deuh deuh ahi. India India Independence 1947 akipat I et leh kum 2015 sung chu Christian sukgimtheihna (persecution) atampen kum ahi a kitii. BJP 2014 a ahung hattawk ua pat, Christiante ahun sawisak pat ngal uh ahi. Zie hih I et leh ei unle India mi diktak hihna dinga amau culture zuih ding, caste system zuih ding, aniempena um ding tihna ahi. Double a sukgimtheih I hiu hi tihna ahi. Tribal I hih ziek ua, kimuhniemna leh Christian I hih ziek ua, muhdahna, chun, I chennau gam hile Hindu te gam ana hilo ahi. 1826 kuma Jandabo Treaty zeka India a umdawk I hiu ui. I hihnaudiktak chuh India mi hilo, I gam ule India gam ana hilo ahi. Bristish te’n India tawh ei na puokkhawm ziek ua India gama cheng, India mi hi chauh I hiu ui. India sunga I um ziek ua India/Hindu te’n Nam niema ei kawih uh ahi zawi.

Zie tawbang thil ahih zinglai hin mi tamtak BJP ah I lut guou a, hiti hin I ngai ua, “BJP hih political party ahi a, sakhuo thu zeka kilut

## *Chamna Aw*

Pathien tawh I kitimatna hi ei suhat puo’n tin, Pathien tawh I kitimatna chu I hun tin thiltuoh Amah hetsakna hin a suhat ahi. Pathien tawh hun mangkhawm I ti na a, mi tamzaw het khelh sek chu, Pathien tawh ei chauh a hun mangkhawm. Dik le adik hi, Lalpa Isu’n ei etsak le ahi, mahleh zie chu I hun neucha chauh ahi. I thilhiah cheng a, Pathien tawh hun matkhawm theih zing ahi. Amah chiela a um phawt chun.

**2. Pathien thu ngaihtuoh zing:** Pathien tawh guolpha I hihna ahawihzawk semna ding point nihna chuh, a thu nichangtum a ngaihtuoh apawimawh hi. Zie chu English achun Meditation, ngaihtuoh zing/hezing tihna ahi. Joshua 1:8 “Zie thu kizik cheng cheng chuh na zawp theihna dingin sun leh zana na ngaihtuoh zawk ding ahi.” Sam 1:2 “A dan thu chuh sun leh zan in a ngaihtuoh sek hi”. Pathien in Job leh David a guolpha a a kawihna ziek pen chu Pathien thu hi thildang cheng sanga a ngaih pawimawh ziek uh ahi (Job 23:12 (b)) “A kama thu pawtte chuh ka pawimawh an sang in” Job in a tii. David in “Aw na dan hi ka ngaina na maizen e, nichangtum in ka ngaihtuoh sek ahi” (Sam 119:97).

**3. Pathien dinga ka thutak ding ahi:** Pathien masanga I sukkhelhna hi’n, I ngaihtuohna hitaleh, I thutak or diktat khah a pawimawh ahi, zie chu guolpha hihna a kalbi pawimawh mah mah ahi. Pathien in I bukim sangin I diktatna a deihzaw ahi. Bible a Pathien guolte haw a bukim chu a um puou. Pathien guolpha hihna dinga bukimna hi pawimawh hileh kuomah hi a ting ki-um puo’n a. Vangphat um tak in, Pathien hehpihna vangin, Isu chuh migilote dingin guolpha ahung hi tai. “Entiem u, annekk hat, uain hehpa, siehdawl leh migilote guolpha khuh” (Matt. 11:19). Job hinkhuo ah haksatna tampi muhding aum in, mahleh Pathien in atawp in a huk a, a diktak ziek a guolte mi thum a gaih hi. “Nang chung leh na guolte nih chung akhan, ka lungnatna akuongdawk a, ka suok Job guol in, ka chungchang thu diktak in na gen puoh ngal ua” (Job 42:7).

**4. Ginna a Pathien tawh kizawp ding ahi:** Hun chengin Pathien chitna na taksang a, a thil gente haw na bawl a, hethiem kimahleh chun zie hin guolpha I hihna ei sukdetak ahi. Thumatna hi Pathien tawh ei kainaihtu khat ahi. Isu’n ana gen a, “Thu ka hun

## *Chamna Aw*

a (Matthai 27:51). Pathien leh mihiemte kitimat theihna chu ahung um kit tai.

Thuthun Lui a Thiempute banglo in, hun sawttak tak Pathien kituokpihna dinga mat ngai lo in, Pathien chu bang hun hileh I kituokpih thei tau. Pathien tawh kichama ei siemtu Krista I guolpha ahih tak ziekin. "Zie haw cheng cheng chuh Pathien thilhii ahi a, amah chun, melma hihna apat in Krista zal in amah tawh kicham in ei siem a...." (2 Korinth 5:18). Laphuoktu'n, "Isu I guolpha ahizie." Adiktak in Pathien ahi, guolpha hiding le, Pathien a mithum, Pa leh Chapa leh Thagau Thiengtho te tawh kipawlkhawm dinga ei chiel zing chuh (I Johan 1:3; I Korinth 1:9; 2 Korinth 13:14). Lalpa Isu'n, "Suok hun ti kit ta puo'ng ka, apu thilhii suok in a he puoh ngal a; guolte hun ti zaw ta'ng ka, Pa apat a thil ka het cheng na kawm u ah ka phuong ta ngal a" (Johan 15:15). Zie Bible chang in "Lawi" tih thumal a gen ut hi hun chawmcha a dinga kimelhetna mai ahi puoh a, mahleh kinaih mah mah taksanum kitimatna ahi.

Pathien in a guolpha hidinga ei deih mai hi hetthiem haksa ka

sai. Bible in agen a, "Pathien hi Amah tawh na kizawpnau ngai pawimawh ahi," (Pawtdawkna 34:14). Pathien hawihtaka I het hi a ut takzet a. Pathien het a, a lungsiet chan hi mihiingte I vangphatnau lienpen chu ahi a, chun het a um leh lungsiet hi Pathien kipahna ahi. Pathien in ana gen a, "A suong ta chengin zie hi suong hen, Kei Lalpa hi, Hehpihnate, vaihawm diknate, diktatnate leichunga mang sek ka hi tih ei het ua, a hetthiemnau chuh ka kipahpih lam ahi ngal a, tih hi Lalpa kamsuok ahi" (Jeremiah 9:24). Hetthiem ahaksai; bangti dana bangkim bawlthei, muhtheih loh (invisible), abukim (infinite) Pathien leh gitlohma a dim mihiemte guolpha ahih theih ding. Bible in, "Lalpa chuh amah kihchate guolpha ahi a, a thugawl chuh amau haw hetsak in a." (Sam 25:14).

### **Bangtia Lalpa guolpha hithei ding I him?**

Lalpa Isu zala Pathien tawh guolpha hihna chang I hi tau a, bangtia zie hihna hi sudet zing thei ding I him?

**1. Kihomat zingna'n:** Kal khata khatvei/nihvei Biek-In kaih chuleh zingkal a pauchamna'n

## *Chamna Aw*

guo ahi puoi," a tiu hi. Khenhat in, "A hatlo ding khat I zuih leh bang mah kihihthei lo ding, zie sanga chuh ahat khat zuih a, nasep apha zawi," a tiu ui. Khenhat in, "Congress a corrupt taluo ta'n, kithenna khatvei aum angai hi," a tiu hi. "BJP ahung hata amau haw zieka khantohna leh good governance ahih theih leh ei u dingin aphai," ti lawi le I um kit ui. Zie haw cheng hih I vak mawk et leh adik mah mah hileh kilawm in alang hi, ahinvang thil baih hi puo'n a. Aziekchuh mi vantang in het a, muh ding in, good governance, development, progress, etc. haw leh akigen dawklo ideology haw hung kibang lo ding ahi.

I gam ua BJP ahung hat phat leh amasapen a ei uh culture leh nasepdan awl awl in hun theng untin, Uphawk, belseunga tuia kisuong, awl awla adjust a bawl, atawpa athihlawh tawbang hung hito tho ding Ihiu. Etsakna'n-Christmas ni a Office kaih ding chuh North East India a dinga hithei nailo ahi. Chuleh, amau lakdan chuh Tribal le Christian I hih masang ua chu Hindu I hiu a, tua hi Hindu, Inn a na hung kileh kit dinguh ahi a tih u khule ei hawn kipawmlo ahi. Ahinla, BJP I support ua, I chung ua vaihawma ahung pan phat uleh zie haw hile awl awla I hun pawm dinguh, atawp leh I identity leh gam

leh guo le I hun mansak theih uh ahi.

BJP join a, asunga pata siemphat ding ti te'n, zie hi ana gel hitiu. Ei mi laka IPS minthang pena kihe Pu H.T. Sangliana khan BJP min in MP Election ana tet a, asunga pat siemphat ding ana ti a, mahleh bangmah a bawl thei puoh a, a haihsan kit tai. Zie lo chun, tulai tak in Nagaland hi Christian State ahi a, Naga Peace talk zieka NPF leh BJP akizawp ziek un Nagaland Government apat Christian te sukha thei BJP te nasepna a dodalnau bangmah akimu puoi.

Mizoram Congress Government in vang a do zing ui. Nagaland ahin dodal sangin RSS te'n a ideology sukhata di'n School leh project dang dang a bawl zing ui. I gam ua Hindu kiphalam lo a ahung lut theihnau ziek hih NPF te ziek le himaithei ahi.

Zie haw hih I et leh a sunga lut a, asung apata siemphat a panlak ding ti te'n le bang ahun bawldawk zo na ding um tih het ahaksa ta ahi.

Teldawka um MLA/MP te le amau haw survive na ding leh chanpha channa dinga mipi voice apan sanga, BJP te puppet a pang thei ahiu hi. Mipi ding gelnaa, Christian I hih pet ua bawn thudik I dinpih zawhloh uleh, anuoi ua

MLA/MP te'n Pathien thu ahun dinpih diu vang chuh I taksgamna ding um?

Zie thu ahin I hetnuom ueh Meitei te leh Tripura te thusim ettheih ahi. Meitei haw hih Hindu hilo, ei u tawbang ana hiu hi. Kum 1708 kuma Hinduism zuih ding ana tih ua pat caste system hung kisuhat, tulaia I buoinau, thingtang, phaicham mi kikhenna ana kipan ahi.

Tulai Manipur phaicham buoina hi Hinduism a ana lut ziek ua buoi ahii tih theih ahi. Tribal chun ana umthim hiet hiet leu, tua tawbang ahii buoilo ding, thingtang mite tawh kikhenna le ana piengdawk lo maihei ahi. Tripura khule zie guol chuh ana hi. Meitei te le Tripura lengte guola tribal ahii hi. Ahinla, Hinduism ahun puoklут phat un Hindu te'n Brahmin caste in khatchale a kawih nuom kit ta puou hi. Zie guol chun, ritual perform a bawl tieng ueh amau haw tawh agam uh ana theng ua, tuhin amau haw gam ah, tribal mite, panpih bei, minority ahi dawk kit tau hi.

Zie haw hih khawktaka gel angai hi. Eimah mimal ding chauh ahim, ahihloh leh tu leh tu a ding chauh gelna zieka mi gen

## Chamna Aw

gen taksanga I zuih ueh mangthai ding I hiu hi. Zie thu I gen zieka hih ei a dinga phatchuomna ding, thilpha aum leh ngaihsakloh ding tihna ei diek puoi. Phataka thil umdan leh I dinmun uh ngaihtuoh thak apawimawh dan I suklat ahi. Politician te leh thingnuoi mite ngaihdan chauha kingak loh ding, mipite'n ei uh hinkhuo hun sukha thei ding haw chunga chittheih ngai ahi. Akhutih loh leh kum 100 masanga Christian Missionary haw hung zieka 'Darkness to Light' tia I na het uh alu leh taw kithenna hung um kit thei ahi. Ei haw'n development leh good governance deihna'n parla leuhingle atawp leh achunga Bishop Desmond Tutu thugen guol guola I hun gennau hun hungtung tei ding ahi.

Zie haw zieka hih tua Election ahii mipi ngaihdan lakkhawm deuh pha ding ahi. Hetbeh dinga pha chuh, a dodal bei a hunglut theihna ding ua BJP Government hin tulai ahii NEI thingnuoimite tawh phataka kiho a (negotiation) a bawllai uh ahi. Amau haw ahun suklungkim phat ueh I gamsung ua a dodal ding umlo a, a deihdan dan ua ahun bawl theih diu ahi. I masang dinguh khawktaka I gel chiet uh ngai ding ahi.

•••

## Chamna Aw

### NA LAWI HIH UT, PATHIEN



By: Tv. Meshak

Lawi kit hi Dictionary khenhat chun, panpihtu, I lunghim kibatpih ti'n ana gen ahi. I haksatna, amah haksatna guola geltheitu leh ei panpihtu, I pawimawh huna kisazo zing chu lawi diktak chu ahi.

Pathien tawh I kizawpnau/ kitimatnau hi thil chichuom chuom in amuhtheih hi. Pathien ei siempau- Sam 95:6; Pathien chu I Pau- I Johan 3:1; Pathien I vahawmpau- Isai 33:22; Pathien chu I hukdampa leh tandawkpa- Isai 47:2; Pathien chu I Pathien, I pau leh hukdampa ahi- Sam 89:26. Himahleh, thilmak tak leh thudik chuh bangkim hihthei Pathien chun na lawi hihding a lungguluh zing ahi.

Eden huon ah Pathien tawh I kizawpnau hawih mah mah muh ding aum a. Adam leh Evi'n Pathien tawh lawikhat hih nuom a sau a. Sakhuo thil leh siemkawm thil muh ding aum puoh a, lungsiet a kizawpna Pathien leh a mihing siemte kikal ah. Lauhna leh gitlohma'n a sukbuoi phakloh ah Adam leh Evi, Pathien ah a kipak ua, Pathien le amau ah a kipak ahi.

Pathien umna a leng dinga siema um I hiu a, mahleh mihiem puk zawh apan khan zie chu sukmang in aum tai. Thuthun Lui ah mi tawmcha Pathien guolpha tia minvawh in a um ui. Abraham leh Mosi chu "Pathien lawite" tih in a um ui. David le, "Pathien lunghim bangpu" tia minvawh in a um hi. Chuleh, Job, Enoch leh Noah in Pathien tawh kivawpna phatak a nei ui. (Sim ding: Isai 41:8; Jakob 2:23; Thilsiebul 6:8; Pawdawkna 33:11; Thilsiebul 5:22; Job 29:4; Nasepte 13:22). Ahin, Thuthun Lui hun in Pathien guolpha tih sangin, Pathien lauhna hi a kihe mun zawi.

Tichun, Lalpa Isu'n zie chu Kross ah I gitlohma man ahun piek apan in, chun, Temple a puokzak mihing leh Pathien kikhenna etsakna chu achunglam apan in anuoilam gei in ahung kithek ta

## *Chamna Aw*

suk gimtheihna gam a umte, apasal, azi leh chate tawh kithih khen, lauthawng kawm kawm a hinkhuo mang, ‘bangtik leh keile ei thah ding uh hetloh’ tia lungngai leh thawmhau aum tampi um ding in ka ging chai. Khuti ta leh ziete haw a ding chun khawvel hi umna tak ahi na die? (*Hebrew 11:36-40*)

Tuni hin ngaihtuoh phaitiu . Zie khawvela I cham sung uhin gimthei taluo, chatgah tak luot zieka Pathien in le ei taihsan hitan a, tia kingaisiea, puksiet theihna gam ahi. Ziek chun, kingaisie mailo in, Lalpa kawm a paucham in, Krista nung I zuihnau ah thuokhat tak in chieh zel hi tiu. **“Dahum tamtak thuok in, Pathien gam ah I lut ding him uh ahi”** (*Nasepte 14:22*)

•••

## **CHAMNA AW PHUNGVUKTU**

Mrs. Hoisi w/o Laldawng K. Gangte of Jiribam in Rs. 5000/- ahun pie a, Chief Patron ahi tai. Pathien in vangsak henla, amau pui zel hen. Midang inle ngaikhawk in, I theihna lampi chiet ah, Chamna Aw phungvuk tu hi ding in panla chiet hitiu.

-Editor

Zie khawvel ahiin haksatna, gimtheihna haw hi I thihma cheng un beipuon a. Lalpa gam, Zion khopi I tun tieng u leh lei lungngaihna cheng cheng bei tan tin, hai bang I ngak uh Zion khawpi nuom chuh hi tan a. Zie tieng chuleh I mit uh apat mit-thi cheng cheng chu Lalpa’n ei thiakhul sak tan tin, hinna tui khuk achun ei pui intin, zie chun I gim theihna cheng cheng beitan a. Tichun kumsawt kumsawt in Lalpa kawm ah chengden tai tiu. *Thuphuon 7:13-17* Zie ziek chun zie thu haw a hi kithamuon in, Lalpa kawm I tun ma cheng un thuokhat tak in malam zuon in chieh zel hi tiu. Simtute cheng Lalpan eitha muon in ei vangsak chiet ta hen.

## *Chamna Aw*

### **THU-AWIHNA - VANGSAKNA BUL AHI**



*By: Evan. (Retd) Lamzagin*

Thuchingte 31:1-31 sung hi holimna’n tuchung hin mang hitiu. Bangti’n na na ngaihtuoh kha’m? Zie Bung 31 na ziktu hi, Leng Lemuel ahi ti’n ana kigen hi. A thupi hi, Lengte kawma thuhilhna. Leng Lemuel thu haw anu’n a kawma a gen chuh ahi. Hitihin anu hin thu ahun pan zieng ngal hi. Thu hawih/phatak tak a chapa a hilh chu anuoia haw hi ahi.

Chang 1. Ziehaw hi leng Lemuel thu haw, a nu’n a kawma a gente chuh ahi: lungkhamte chuh uain pieu in.

Chang 7. Dâwn u hen la, a chatgahnau chuh hengilh u hen; tichun, a lungkham nau chuh hengilh u hen.

Chang 8. “Amau ding kigen theilote chuh gensak inla, chansie leh panpih beite dikna chuh humbit sak in.

Chang 9. Na kam kân la, chagah leh panpih ngaite dingin kiko dawk inla, dik takin vaihawm in.”

Lemuel nu lungthim ding dan hi ka ngaihtuoh chun, bangti tuk in a chapa deihtak phatna ding hin a paucham ta dem? A pauchamna ahiin a thil nget hi a muh ngei ginchak aum hi. Anuoia a thilnget haw hi aban ban in vak en hitiu. Na cha a dingin ngetsak pha na sa na’m? Vak ngaihtuoh tie.

Chang 5. Khutichun, a dâwn u a, dân thupiek chuh a hengilh sek u a, mi gimtheite dinmun chuh a hengilh sek ui.

Chang 6. Mangthai ding kuonte chuh Zukha pieu inla, chun, mi

1. I chate hi a pienmau ale Lalpa

## Chamna Aw

kawma I pauchamna a I lat zing zing uh ahi, ahung pien kal I ngaklah mah mah mai. Ahung pien a huihmut ding le I phalloh ahi. Guol phalo a a umlohnna ding un, Pathien kawma kawlsakna I nei zing sek a, guol a phak ua, mi hetbang ahung het ua, mi phak chan ahung phak uh I deihsak pen uh ahi. I cha a dinga I deihsak pen/I hihsak nawppen chuh a guolte cheng cheng sanga thiempen, phapen leh sangpen I deihsak chiet uh ka gingchai. Nang na chate a dingin bang na deihsak pen hi?

2. Na hatna chu numei chung ah mang zo kinla, na sum cheng cheng chuh numei chungah seng zo diek kin. Lengte a susie zo sek ngal a. Lemuel nu hin a chapa hih numei chunga phalo taka kimang dingin a phal puoi. A sum cheng cheng le numei phalo chunga mang zo dingin a phal diek puoi. Bible, Thuchingte 7:25-27 vak sim hitiu aw. "Zie tawbang numeite chun na lungthim uh zo kihen la, a lampi haw achun le chieh diek kiu in. Mi tam tak a susie tau a, a lampi achun le kihei ki'n. Amahnu In chuh Sheol zawtna lampi a hi a, thihna phuol a lut ahi." Bible chang khat sim kit hitiu. Thuchingte 7:18-19 "Hung inla, zankhuo'n, deikhawp set in lungsetna chén hiti; hehpihna'n kipawm hiti, ka pasal In ah a um

puoh a, khuol gamla tak ah a zin ngâl a." Awle zie achunga Bible chang haw apat hin numei phalo leh pasal phalo laka kiven ding dan lampi ei kawkmuhi. I chapa/chanu, zie pasal phalo/numei phalo ahih a puklohnna ding un na thuhilh sek em? Numei/Pasal phalo a a puk dinguh vang phal dingin ka hun gingcha hiel puoi. Na chapa/chanu kha phatak in hilh inla, en zui in, na hilh loh chun dan leh hung kisik kha'n la. Nangin naupang na tih kha amah chu nungak/tangval kei le ana hita maithei ahi, pilvang in. Cha pha na deih chun, tu'n le hilh ah, a kikhel ding ei tai. Akikhelhma ngei in na chapa/chanu chu phatak in hilh in. Phataka na hilh chun lampi dika puikit ngei ding na hi. Pathien tawh na pankhawm phawt u chun.

3. Lemuel ngai in, lengte chun uain a dawnloh dinguh ahi a, vahawmta chun le zu dawn utna le a neihloh dinguh ahi. Khutichun, a dawn ua dan thupiek chu a hengilh sek ua, mi gimtheite dinmun chuh a hengilh sek ui.

Awle Lemuel nu hin a chapa deihtak kawma hin, lengte chun zu/uain a dawnloh uh aphatzie hah gen in a gen hi. Lengte hi vahawmta ding ahih ziekun. Mi gimtheite dinmun a hengilh sek ui. Bible chang khat vak sim hitiu. Thuchingte 20:1. "Zu

## Chamna Aw

Zie ZION khawpi la hih vak en hitiu (Thuphuon 7:13-17)

1. Haibang I ngak Zion ni tum ngeilounha, Lalpan asiem hinna tui thieng luonna, Anawp zie leh hawih zie gen theih louh gam chu Aw bangtik leh tung ding ka hi ta dem?

Aw! ka ngai ka muon Zion thak nuom Asung a ka len tieng a nuomna ding e. Zie chun ka hukdam pan ei umpih in tin Haibang I ngak Zion chu hitan a.
2. Aw u nau kah lai puon bangin bang tai tiu. Ngai in sam lengle hung kit ta lo ding. Kumsawt Zion a din Lalpan apuitai. Zie chun ei hawle chieh ngei ding I hiu.
3. Ka damlai khuol zinna abeih tieng chuleh Zie gam achun kum sawt khuovak tantin Zie puon vam silh kuo a tin ei na dawng ding I sik gen in Lalpa chu ding tan a.
4. Lalpa nilopi ahung tun tieng chuleh, Thilsiemte le kipak in leng tan au. Hehpih chieh masate'n ei na dawn un tin, Ziechun lei lung ngaihna cheng bei tan a.

Khawvel hinkhuo hi ka ngaihtuohleh, Zingkal, nitak a nek ding hawi aum â tih le hetloh, thihna zieka apasal, anuomsa ding mawng-mawng um ding abang a! Zie hawhi ngaihtuohleh kham in ka he ahi. Mi nuomsa, mi haus a i tih haw hi taksap him him neilo. Mi chagah, gimthei I tih hawhin la, ka neih i tih mawng mawng neilo. Chatgah tak luot ziek a panpihtu ding na san neilo.

Zingkal, nitak a nek ding hawi aum â tih le hetloh, thihna zieka apasal, ahi, acha, asuohpih khensate ngai a lunghel, thawmhau tampi um ding in ka ging chai. Danlama chung leng vacha ham ham zieng I tih uh khale thil dang hi puona ie. Amau haw a dingin le khawvel hi nuom diek puontin, um natak hi diek puon a. Zie haw mai chuh hi lo kristian

# ZION

*Upa Khaipi, Shillong*

Nikhat hi gam giek in Tuiluongpang, sephou nuom deuh, talgi dodel pang ah hin ka giek uh a, ka gieh buk sak ua thing lek achun vacha khat hi a ham ham a, achang leh lehlam gal ah ava leng a, tichun kei uh umna lam ah ahung lengkit a, aham ngeimah in a ham zel hi. Ka lungthim in zie vacha hi bang ziek a ham ham ahi die! ngaih khawp le aum na e. Gulien bek umhenla kipek mang mai leh ka ti a, amah chu aham ngei in aham zela atawpin kenle tihin ka vak ngaihtuoha. Kei ading a ningkitel um guolin lang mah leh eltawl man a mawk ham ham hipuona tin ka ngaihtuoh ta ahi.

Ni khat mah hi Chawngmun ka tun ding kuon in, ka tamsawl a, ka gim a, ka khawp mah mah mai hi, tichun ka chu tha a. Zie lai chun Sim huih ahung nung hieu hieu a, ei hun mut chuh nuom ka sa mah mah a, ka chawlle ahung dam huoi huoi hi. Ka vak dak viela leh nisa atum vang vang ta a. Tuiluongphai, Vangaitang haw ka vak et viel leh lunghel aum mah mah zieng hi. Tuiluongphai haw chu aliep dii-diei zieng ta a. Khuti a chawl leh lunghel a ka umlai chun gamla tak a Va-sawk (Zova le kiti) ham hi ka vak he a, ahung leng phei a muh theih in ka umna tanga thing sang tak lek ah ahung chu a, tichun aham gouh-gouh sek hi. Azawh chawm khat hal in ka khel lam ah a leng kit a, tichun Vangaitang lam zuon in aleng mang

chiei-chiei ta ahi. Chawm khat hal in aham ka vak he kit a, zie tuom achun a ham ham zieng ta ahi.

Zie lai chun ka ki ngaihtuoh a, keipa hi bang ti ka hi die aw? Tin ka ngaihtuohna ah hin thil tampi ahung lut a. Mihiem hinkhuo, chung leng vachate, gan hingte hinkhuo ka ngaihtuoh lai in thil chuom chuom ahung lang sau sau hi. Bible Rom 8:21. Thil siemte leh ganhing lunghel thawmhaute hin le nikhat tei chu Pathien chate zallenai nilopi hung tun ding ngaklah mahmah ahii tih ei ngaihtuoh sak hi. Chun, gingtute vangphat danle ei muh sak a, Lalpa nilopi ni tieng chuleh ganhingte zieng le kipak a leng ding a hiu hi tih ei ngaih tuoh sak a, ka lungthim ah “ZION” khopi ahung ki lang hi.

hi nuihztbuk ahi a, zukham chuh ngawlna ahi, zie a puihmang a umte chuh mipil lo ahihi.” Lengte chun vaihawm a thiernma dingun zu a dawnlo ding uh ahi. Na chapa na lungsiet mah mah kha zu dawnlo dingin bangzah vei amah adi’na paucham hi. Na chapa’n a hihloh dinga na deih ahih chun, nang in hihdah mai in. I Korinth 8:13 na hi vak sim hitiu. “Ziezekchun, ka nek le châkin ka suohiph a sukpuk chun, ka suohiph ka sukpuk lohna dingin, kumkhuotuong in, sa himhim ne ta puo’ng ka.” Na chapa’n a hih dinga na deihloch chuh nangin hihdah phawt in. Chun, zu ahim, damdawi ahim leh khamtheih thil dang ahim Kristiente hihdinga kilawmlo, nang na hih zieka na suohiph/na chate a puklawh sangin nang na hih takloh chuh apha zawi.

4. Lemuel nu hin a chapa kieng ah kuote kieng ah, zukha ahim, uain ahim pieu in a ti? Mangthai ding kuonte chuh zukha pieu in, a ti. Chun, mi lungkhamte chu uain pieu in. Dawn uhenla, a chatgahnau hengilh u hen. Tichun, a lungkhamnau chuh hengilh u hen. Thuchingte 24:24-25. Ahin tuisuohgiet chunga ipmu tawbang hi’n na tin, lawng puonzak khuom leka kuol tawbang hinla. Ei zep ua, mahleh na ka sa puo a, ei khen ua, mahleh ka he puoi. Bangtik leh ka

halhdawk die aw? Dawn beh zel ingka, hun ti ding na hi.

5. Lemuel nu hin a chapa hihdinga a deih khat vak gen kit hitiu. Amau ding kigen theihlohte chuh gensak inla, chansie leh panpih beite dikna chuh hukbit sak in. Na kam ka’n la, chagah leh panpih ngaite a dingin kikodawk in. Isai 58:6-7 na hi sim hitiu. Anngawldhan diktak, ka deihlam chuh zie hi ahi. Diktatlohna namkawlte leh sukgimtheihna kawlbuh chuh phelsak unla, sukgimtheih a umte chuh thahdawk un. Eimah an mi gikelte kawma hawp leh gimthei kinawhdawk haw ei mah In a puah hi hilo maw? Sangawn a umte puon khuh leh, eimah sa tawbang pute kawma kiselguk loh hi ahi puoa ahim?

Zie achunga Bible chang I zikdawkte hi vak ngaihtuoh hitiu. Lalpa Pathien in a hun deih na hi. Amah ding kigen theilo gensak, chansie leh panpih beite dikna chuh hukbit sak in. Chagahte adi’na kikodawk in. Eimah an mi gikelte kawma hawp, gimthei kinawhdawk haw I In a puahlut. Sangawna umte puon khuh. Eimah sa tawbang pute kawma kiselguk loh hi apuo hih dinga ei phut leh a deihpen chuh.

Zie Lemuel nu apat a thupha tak tak a chapa a thuhilhna haw hi ei haw’n

le I chateu hilhna'n mat guo chiet hitiu. Thuchingte 31:1-31 chan hih Lemuel zik ahih chun, a nu thugen haw Lemuel hin a zik ngei hiding ahi. Bung 31:29 na hi Lemuel in anu a genphatna diek hiding in ginchak aum pen hi, vak sim hitiu. ““Numei khawsak pha tamtak a um u a,

himahlele, nang chun na khel vek hi,”ti’n.” Ngaihtuoh pha tie, Lemuel nu hin Bung 31:1-9 sung hi a chapa a hilhna ahi a, Bung 31:10-31 sung hi anu dinmun Lemuel in a genna ahih ngei ginchak aum hi.

Lalpa'n a thu vangsak ta hen.

•••

## “CHATE CHUNGA NU LEH PA MAWHPUOK NA”

By: Lalminlun Aric Gangte @ Aric Gangte

**Sam 127:3** “Ngaitie, cha leh naute hi Lalpa a pat a I gochan uh ahi a.....”

Cha leh naute hih Lalpa vangsakna eipiek chuh ahia, a enkawl dinga set a um chuh nu leh pa te hih ahi. Zie tawbanga mawhpukna ei kipie hih mawk ngaihnep mailoh ding ahi. Zie sang a chuh naupang chuh Lalpa thu a seilet saka, Lalpa lampi dika puihuoi zawk ding lampi ngaihtuoh ding hi a siemtu chung Pathien tup leh deih dan chuh ahi. Joshua'n kei leh ka insung miten Lalpa na ahi kasep ding uh, atih guol in tunin nang leh kei inle itih a, I insung hih I etkawl ding a tunia hih Lalpa'n muhtheih dinga mawhpukna ei piek chuh ahi. Chanchinpha thu hih insung adingin kibulphuhna hi henla, Insung ahin Pathien hih a lienpen in kikawih henla, a zawh leh mit a muhtheih a um Insung a

nu leh pa te hih hileu Insung hih Lalpan umpih mahmah dingin ginchak aum hi.

**Thuchingte 22:6** “Naupang chuh a chiehna ding tak chuh sinsak leh chin, ahung upat tieng lele thahtham lo ding ahi.”

Nu leh pa na hih ziekin naupang chuh a neu apana na umpih ding chuh hetsa ahia, phataka a hung pitit chan a amattheih ding a nahung sinsak nak chun namawhpukna chuh na zo a, amanle zie chuh hengilh puonti'n adamsung in ching zing ina, tih hi Bible gen ahia, kei gen vang eipuoi. Zie mawhpukna chuh ahi, tuni a nu leh pa hihna Lalpa'n mawhpukna ahun piek chuh. Cha leh naute ahung pitit nung

## Chamna Aw

### MICHATAWHEICHATEHKAL LOH DING.

Nu leh pa I hung lungnat cheng uleh, micha te khuh ki et tang, I tih tih uhh haihsan kin hitiu. Tia chuh tehkal mawngmawng ding hileu, minu/mipa tawh ei hung tehkal leu nangle utdiek puonla, ziezek chun pat phawlawk dah zieng in. Insunga ki tehkalna ahung um mun tieng le chuh setan in vai a hung hawm tai tih hi het masak ding ahi. Chun, nu leh pa'n le, mi pasal/mi zite khuh ki et tang I tih tih uhhle kin deuhu haihsan ding ahi, khuti chuh ahih loh thouthou chun navak in kikhen zieng hitiu, Lalpa'n le chate adin lampi dang guonggalh sakna'n a. Zie chuh ahih loh naknak chun insung ahin kihah teh puoi tiu.

**THIL 8 PASAL (Husband) IN AHET DING. (Taksa thu deuh a)**

1. Kipiek dawkna (Tenderness) Colossa 3:12-14.
2. Umchanpha, kingainiem (Common Politeness) Roman 12:9, 10.14.
3. Kipawlpih nuom, mi pawldan thiem (Sociability) Phil 4:8.
4. Hetthiemna nei mi (Understanding) 1 Peter 3:7.
5. Sum leh pai a diktat (Fairness in

Financial matters) 1 Tim 6:6-12.

6. Hun chenga lungsietna neimi (Kindness at all times) 1 Cor 13:1-8.
7. Mi kitak leh taksan um (Honesty and Truthfulness) Ephes 4:23-25.
8. Chate adinga kiman zing mi.

### THIL 8 NUMEI (WIFE) IN A HETDING.

1. Lungsietna diktak het (Learn the real meaning of Love)
2. Kichen hih bangkim bukim ina tih gelloh ding.
3. Pasal midanga sanga aphantna hawl inla, genpih in.
4. Thilphalo haihsan, minuoia um ngam ahih ding ahi.
5. A mawhna hawl sang in, aphantna chuh pakchan.
6. Na pasal chuh ahihtheih chan in limbawl in.
7. Pasal tawh kal a gensietna, kimuhdahna hengilh vek in.
8. Minei en zing ahi tih hetding.

Gending tampi um mahleh zie tieng hin hun zo phawt ingka, Lalpa'n na pawimawh dan chiet un hun vangsak sak tahen.

•••

## *Chamna Aw*

kha amuh theih ding ua suklat kawmkawm ding ahi. Cha leh naute laka minu/mipa ki niel ahihloh leh ki na na zieng I hih chun chate'n nu leh pa zah nau kha beimang mai ding ahi. Ahih theih chana naute umna/muhna kinak loh hamham, ki niel loh hamham ding ahi. Alo theiloa I hung kiniel/kinak khak palh lele athiemzaw I ki chuh sanga a thiemmawh zaw ding hih kiki chuh leh chaten le ei uh apan hin zil ding tampi nei ding ahiu hi, tih hi muh in a um hi. Nu leh pa chate masanga nahung ki bak zawtzawt tieng uleh chate adin etna ding aum sek puoi, (zieziek chun kei un le kahung zuih theih nading un kingaihniemna ahihloh leh kahung tuok dinguh nupan hinkhuo a dinga lampi dik chuh kamuh theih dingun hung puo dawk thei leu chun hawih mahmah din ginchak aum hi). Pa'n le pa kahi nai tia, mi um leh umloh dawnlo a zite a utut a a houzieng ding a hipuoi. Insung suminsie pa hih khak maimai theih ahih ziek in banglam hileh chingthei taka I um ding uh hih adeih um mahmah hi. Zi te'n le Pasal mi abat bekloh zieka mi um, saum dawnloa pasal mawk hou zieng ding ahipuoi. Lalpa Pathien I zah uh etsak na dinga I pasal chuh afuh leh fuhloh thu hiloa, I limbawla, I zah ding in a).

### **SINSAK/HILH ZING DING AHI**

Lalpa'n mawhpukna eipiek guola hih cha leh nau te hilh a, sinsak zing ding ahi tih hetngilh loh aphi. Thagau lam thu hi henla, taksa lam thu hileh kitup taka sinsak zing ding ahi. Mahni chate le hilh peihlo chun midang le hilh peih puo'n a tih hetsa ahi. Amau in ei dawng khelkhel kileu le, a hetloh uh vak dawta vak genchiet sak ding ahi, khuti le chuh amau inle ei gingcha ding ahiu hi. Chaten, nu leh pa bangmah lama ei ginchak loh uh hihkhak dingle ut um lawmlawm din ginchak aumpuoi. (Nungak/tangval thu ale sinsak masai tiu, khuti le chuh nupan kal hile a guk guka buoi din ginchak aumpuoi, khuti/khati ding tin na ki sinsak thei masa leh hawih mahmah din gingchak aum hi. Khuti leh kiguk/kichak hile tawm deuhdeuh in a).

## *Chamna Aw*

chuh Bible in ei thupiek ahi. Ephesi 5:22-24, Zite haw, LaLpa kawma na kituklut bang u hin, nangmau pasalte kawmah kitulut un. Krista chuh sapchuom haw luchang ahih a, sapum hukdampa ahih bangin, pasal chuh numei luchang ahi ngâl a; Khutichun, sapchuom haw Krista kawma a kituklut tawbang u hin, zite chuh bangakai ah amau pasalte kawma a kituklut dinguh ahi.

**Job 1:5** "Khutia a guolvaknau a zawh tieng u chuleh, Job chuh zingkal matak in a tho a, a bawn u a thien sakna dingin a min kim u a dingin maichâm a siem a. Ka chapate hin thil a na hihkhiel in, Pathien ana gensie kha'n au a tih ziekin Job chun hitibang chun a hih zing sek hi."

Job in zingkal chengleh a chate ading a min uh kim in maicham a siemseka, a chate adin nicheng in maicham a siemsek hi. Zie chauh chule hilo in, bang ti ahim khatin a na gilo khanau tih vân nan amin kim chiet ua ding inle ngaihdam ngetna maicham a siem zel sek hi. Tuni'n, nu le pa te kigel thak hitiu, chaleh naute adin nang leh kei in bangzat vei mawngmawng Lalpa kawma maicham I siem tau hi?. Adamtheih na diu ka he puoi, lekhka athiem theihna diu ka hepuoi, ahung hatna ding uh ka hepuoi, bang zawng chuh hileh a min kim ua lam in maicham na bawl kha tam? Ki ngaihtuoh thakin, I na hih khak loh ulele tunia pat a Lalpa kawma cha te ading a maicham siema, chun asukkhiel nau haw a um lele Lalpa kawma ngaihdam ngetsak zel ding

ahi. Zie chuh ahih loh chun cha leh naute I etkawl na hih adiklo lama enkawl I na hihkhak ding hi lauh a um mahmah hi.

**Ephesi 5:1** "Khutichun, a cha deihtakte bangin, Pathien umdan late hiu in."

Cha leh nau sinsakna, malak na ah naupang pha leh lawhting ahung hih ding uh hih nu le pa mawhpukna ahi. Langkhat lam taka gen in chuh nu leh pa ettawn theihloh chun bangtin chate haw thudik/lamdk a sinsak thei dem tih hi mun tamtaka dawtna kimu chuh ahi. Thilpha/Pathien thu hawih taktak I sinsakthei ua, hinla I sinsakna dungzui a ihin uh amuh loh uchun I sinsakna chuh a thawn hiding ahi.

**1 Timothe 4:12** "Na chapanna kuoma'n ngaidau kihen, thugen lama le, tawihzie lama le, hehpihna lama le, thagau lam ale, taksonna lama le, thienthona lama le a gingchate tatmuh hi zaw'n."

Zie hi, Timothe kawma Sawlchak Paul thuhilhna chuh ahia, hinlah tulai a Krista sepaihte chengin mattheih chuh ahi. Chun, nu leh pate a ding in le a mat theih takzet hi. A ziek chuh, tawihzie lam ale, sinsakna lam ale, thienthona lam ale, zie haw hih ahi mi sinsakten aneih ngeingei ding ua pha mahmah chuh.

## *Chamna Aw*

Tuni a zie tawbanga mi sinsakna ding a qualification pawimawh tak neilo a naupang sinsak chun lampi dik kawkmuh zo taktak puon'a tih hi kamuh dan ahi.

**Matthai 5:16** “Na vak uchuh mi muh in vak hen.”

Vak nei kahi kitin galal, ivak kuoman a muh ding umthei lo tampi a um tai, I gam leh nam adin thâng in ahungpang zaw sek tai. Nu leh pa te'n cha leh naute chunga I mawhpuok nau, hih ding ihetngilh tieng uleh chuh I chat'eu lampi chuom ah a na pet sek ui tih hi ihet masak dingun ka hun genlat ahi. Cha leh naute buoipih man lo khawp'a sum leh pai I ngaihtuoh uhin chuh hih kiel mahmah ding I hiu hi. Nu leh pate hihtheihna hi Lalpa thilthawn piek ahia, chuleh zie chuh Lalpa'n a chate amah lampi a siemtup ahih theihna dinga eiphut uleh ei nget nau khatle ahi ngâl hi.

**Ephiesi 6:4** “Chun, nanguh pate haw, na chateu sulungna kiu inla, Lalpa thununna a leh, a hilhna achun seilet sak zawu in.”

Nu leh pa hihnaa cha leh naute deihdan hawla, het thiempih guot ding hile thil pawihmawh tak khat chuh ahi. Chun, a mau tawh houlim khawma a hksat nau, a buoinau haw le genkhawm pih zelzel ding ahi. Ahih theih chana amau tawh

na sepkhawma, nekkhawma, dawnkhawm ding ahi. Nu leh pa tamtak cha leh nau umpih manlo, muh le mu manlo tampi aum ua, amau hin chuh dik taka gen din nu leh pa lungsietna chuh ahe tawm mahmah mai ua, dai le a dai huoihuoi mai hi. Lehkha simna le hetpih talo, bangchan tung ahitam tih le helo nu leh pa I umding uh gingchak aum hi. Thientho na lam ale ihetloh kal un gamla pipi ana tung man sek ui. Aziek banga! I chate I ngaihsak loh ziek ahihloh leh I dawn manloh ziek hipen din ginchak aum hi, zieziek chun nu leh pa mawhpuokna ah kigel thak zel hitiu. Lalpa deihbangin I enkawl taktak nau em!

Naupang sinsakna ahin nu leh pate'n hetloh a khawk neuchah vak enthasuk nalai hitiu.

### **NAUPANG CHUH PAHCHAK DING AHLI.**

Tulai minu/mipa tampi'n naupangte lungthim I su kawi gam tau hi, vak pahchak sanga ‘gaih’ ahihloh leh ‘housiet’ lamzawk hih I hah bawl ziekun naupang tampi a lungthim uh a buoi gam in, a kawi gamtai. Thilphalo ahung hih khak leh hahpia gaih ding, a hung sep phat a, I thu ahung mat lele pakcha le hidieklo, ahung tawikhiel khak ding châng bang zieng tampi i um tak ziek u hin

## *Chamna Aw*

khangthak tampi kipahna hinkhuo manglo a um tai. Naupang hih a bawl dan a key um ahi, abawl na lam phawtphawt a gaih gaih zieng ding le eipuoi, naupang pahchak lawhkha himhim lo, gaih lawhlawh zieng, zie tawbang naupang hin akhuonung ua hun a hun mat toh zelnau ale a lampi'u anawk tai tih hi hetpih leuhing deih aum mahmah hi. Zieziek chun I muhloh kala thilpha ana hih, a hihloh leh amah a dinga thilpha a na kibawl hi himhim lele Eh! Bawi, nafel na e!, tuni chuh pahchak na um na e! ti'n vak pakcha leng chuh a kit lele, zie kahih leh ka nu ka pa kipak in tin uh, a mau inle I kipahna ding hung hawl zelzel dingun ginchak aum hi. Zieziek chun naupang hung phat leh phatloh hile amau a kinga ahi mahmah na'n, atamzaw hih a enkawlte mawhpuokna ahi. Tuni'n, ki ngaihtuoh thak hitiu, cha leh naute pakcha khaloh nahih chun tuni a pana zil in, pakcha zelzel in. Zie na pahchak na chuh amau inle hengilh puou in tin uh, ka nu/ka pa kipahna ka hih guot zing ding ahi tih le gel thakthak ding un ginchak aum hi.

### **HUN MAT KHAWMPIH ZING DING.**

Tulai sum leh pai, neih leh lam a ki-el nagam a hitan, minu/mipa tam tak in chate sang a sum ngaina zaw

ta. Amina skul kaih sak hamham, a lawite laka a tel theih leh ki-awi mai nu leh pa I hih uchun chuh chate lamdik ah ka pui tapuoitih hi I kihet masak deih um ka sai. Zieziekchun, cha leh naute phat ding leh Lalpa a a hung khan liet ding hih I deih uchun hun awng I neihloh lai inle ki suawng hiting un, hun matkhawmpih himhim hitiu. Skul ahung kikhen ua ina umloh chun, ikimuh tieng bang uleh, Bawi! Tuni anuom na? Bang bang na hung zil nau u? ahihloh leh thil dang himhim le vak houlimpiah leng a mau inle nuom sau in tin uh, I ngaihnat nau hile he deuh dingun ginchak aum hi. I muh munloh tieng leh khat le khat ki hehpikhna khale dai heihei thei ahih ziekin zie haw hih bawl sek dinga thilpha mahmah chuh ahi. Amau utna ding bang vak gen khawm in, nuihzat na bang, ahihloh leh thusim dang hawle vak genkhawm pih zel leuhing hawih mahmah din kamui. Chate leh nu leh pa a hung kimuh mun loh ua, ahung houlim khawm mun loh tieng uleh Insung hih phatlam sang a, sietlam manawh zaw ahi tai tih hi tunin a thakin geldawk kit hitiu.

### **NUPA'N KIZAH TUOH DING AHLI.**

Nupa'n le kizah tuoh taka hinkhuo matkhawm ding ahi. Adiek taka chate masanga I ki zahtuohna